

1849

L A
CATASTROPHE
BVRLESQVE.

SVR L'ENLEVEMENT DV ROY.

avec la representation

DV MIROIR
ENCHANTE.

Dans lequel on voit la iustification de Mazarin
en la place de Gréue.



A PARIS;

Chez la vefue A. MVSNIER, au mont saint Hi-
laire, en la Court d'Albrec.

M. DC. XLI X.

CATASTROPHE


PAR

SAVANT

DU MIRROR

FINCH

on voit dans le miroir
en la page de G. 12.



CHATELAIN DE LA MONTAGNE
PAR

LA CATASTROPHE

BURLESQUE.

Bouffonne & Burlesque Thalie,
Muse dont la sage folie
Peut faire avec cinq vers ou six
Creuer de rire nos fouscis,
Muse à la berne tres-habile,
Et qui de la plus noire bile
Ferois desenfler la tumeur
Quand tu chausses ta belle humeur,
Par les coffres & l'escarcelle
De Catalan & Particelle
Ces bons Archi-monopoleurs
Et de la France francs voleurs
Par les satyriques Eloges
De cil qui fit Jacques Desloges
Et nostre Monarque en leuant
La nuit des Roys fendit le vent,
Et fit, prenant l'heure opportune,
Vn trou, comme on dit à la Lune.
Par son Neveu qui fut, dit-on
Chez ie ne sçay qui Marmiton,
Qu'auoient par vn grand priuilege
Les Iesuites dans leur College
Et qu'assez chargé de Latin
Ils firent leuer si matin
Pour suiure à sainct Germain son Oncle,
Quoy qu'à la fesseil eut vn franc le.

3

Par les leçons que Mazarin
Auoit pû faire à Tabarin
Par le fagot & la coignée
Qu'a, dit-on, iadis empoignée
De son blason l'illustre auteur
Son grand Pere bon fagoteur.
Par la vertu des fausses Bules
De luy gagner autant de lules
Qu'il a par moyens inouïs.
Depuis amassé de Louis.
Par la Calotte, & l'habit rouge
De ce grand homme qui ne bouge,
Du lieu d'assurance où l'a mis
La bonté des Dieux trop amis.
Par les soucis qu'il a sans nombre,
Par la peur qu'il a de son ombre,
Par la fièvre & par les frissons
Qu'elle luy donne en cent façons.
Par tous ceux qui le reconfortent
Par tous les Diables qui l'emportent.
Si ces objets ont le pouuoir,
Chere Muse, de t'émouuoir
Pour vn moment descens de grace
De la cime de ton Parnasse,
Descens de hors cest escalier
Vien en faueur de musnier
Contenter l'ardeur dont ie brusle
De croquer vn portrait de Iule,
Et faire avec moy cantonné,
Rire à ventre deboutonné,

entre la poire & le fromage,
D'une si croustilleuse image
Ce rare & diuin Imptimeur
Des caprices de son Rimeur.
Ainsi ie priois dans mon bouge
D'où, tant que i'y suis ie ne bouge
Sans lumiere entre chien & loup
Quand par derriere tout à coup,
Vne main me vint impreueüe
Subtilement boucher la veuë
De ma friponne qui sans bruit,
Ainsi qu'un larron dans la nuit,
Marchant plus coy que si la terre
Eût, comme on dit, esté de verre,
Ou bien qu'elle n'eut à passer
Que sur des œufs sans les casser
En bavelet, & iuppe verte
Entra par la porte entrouuerte.
Vous estes, luy dis-je, Eraton
Qui faittes les qu'en dira-t-on,
Et tous les plus gais vaudouilles,
Tant ceux des champs que ceux des villes,
Les Lanturlus, les Leridas,
Les Roquentins, & les Ouydas.
Du silence de la donzelle
J'appris que ce n'estoit pas elle
Et quand ie la vis s'ostiner
A me faire enfin deuiner
Quelque dessein qui vous amoine
Vous estes, dis-je, melpomene.

La voyant encore à ce nom
 Sans me parler me dire non,
 L'assurerois ce que ie nie
 Que vous estes Dame Vranie,
 Si i'estois, dis je, du mestier
 de Comelet Petit & de Questier.
 Qui me reste à nommer encore?
 Seriez vous dis je, Terpsicore
 Calliope, ou dame Clion,
 Dame qui vaut double Pion,
 Ou ma camuse de Theasie
 Dont le beau nom rime à folie?
 A ces mots, allant dire mieux,
 Sa main ne découurit mes yeux,
 (Assez iustement ie l'aduouë)
 Qu'afin de me couvrir la iouë.
 Maistre frippon qui vous mocquez
 Des Muses que vous inuoquez
 Voilà, dit-elle non sans rire,
 C'est pour vous apprendre à mesdire
 Puis d'un doux & chaste baiser
 La folle me vint appaiser
 Si bien que, Messieurs & mes dames,
 Pardon nous entre demandames
 (Tât le courroux nous boursouffloit)
 Moy d'un mot, elle d'un soufflet.
 Rimeur, dit-elle, à la douzaine
 Qui fait de meschans vers sans peine
 De quoy me veux tu supplier?
 Tu me las fait, disie oublier

C'est à toy que ie le demande
 Muse à qui ie me recommande.
 N'estoit ce point pour hautement
 Parler de Iules? iustement
 Luy disie: vois tu, me dit elle,
 Puis que l'heure au soupé m'appelle,
 Et qu'en peu de temps il me faut,
 Crainte de tomber en defaut
 Comme Appollon nous en menace,
 Me rendre au pied du mont Parnasse,
 Iusqu'à ce qu'on puisse choisir
 Vn iour que ie sois de loisir
 Pour satisfaire à ton enuie
 De voir vn portraict de sa vie,
 Ie ne viens en ce lieu qu'afin
 De t'en monstrier vn de sa fin.
 A ces mots de fureur éprise
 Sur vne glace de Venise
 Iettant les yeux, grinçant les dents
 Me dit, que vois tu la dedans?
 Acte dernier, Scene premiere,
 Sortant d'un cachot sans lumiere,
 D'un peuple qu'on ne peut conter
 Enuironné, ie vois monter
 En charette l'ame étonnee
 Vn ramonneur de cheminee.
 Le connois-tu? moy dis-ie, non:
 C'est celuy dont Iule est le nom
 Tel pour tromper toute recherche,
 Mais armé d'une longue perche

Tiroit pays *incognito*
Mazarini trauestito,
Quand trois de nos Archers de ville
De par Monsieur de Longueville,
Deux Sergens, & quatre recors,
En vertu de prise de cors,
Las de le tant suiure à la piste
L'ayant atteint resuant & triste,
Ces gens triez sur le Volet
Luy mirent la main au collet.
Ayant de bourgade en bourgade
Escorté de cette brigade
Gistez par tout comme il pouuoit
Dans les prisons qu'on y trouuoit
Enfin le drolle arriue à celle
Où l'on veut mettre Particelle.
A ce bel hostel d'Hemery
A la tour de Montgommery.
Mais considerons l'équipage
Et la façon du personnage:
Dix couches de crasse couuroient
Son museau qu'elles deguisoient,
Et sembloient tenir à la coine
Côme le diable au corps d'un moine.
Pardon Lecteur humble & deuot,
Qui pourrois de moy pour ce mot
Former vn Iugement sinistre;
Je voulois dire d'un Ministre
Mais d'un feu de ma veine épris
En riant ie me suis mépris,

Car

Car enfin, tu vois bien que moyné
 Mieux que ministre rime à coïne
 Ses Greques propres à bien fuir
 Et son Gippon estoient de cuir,
 Au cou son mouchoir en crauate,
 A son pied gauche vne sauate,
 Et pour ne plus en dire mot
 Au droit vn chaufson de tripot,
 Parut en la Scene seconde
 La Greue si pleine de monde
 Qu'au Roy d'Espagne il eût semblé
 Y voir tout Paris assemblé,
 Outre ceux qu'à chaque fenestre
 Quatre à quatre on voyoit paroistre.
 Scene derniere d'un pas lent
 On vit arriuer le galand
 Dans vn carrosse à cent portieres
 Arrousé de l'eau des goutieres,
 Accompagné d'un Theatin
 Qui ne perdoit que son Latin
 En exhortant le personnage
 Qui n'entendoit pas ce langage
 Mais par contenance il fallut
 En dire vn peu pour le salut
 De l'ame de son Eminence
 Vn peu, dis ie, & par contenance
 Car le bon Pere ne scauoit
 Si son Eminence ame auoit.
 Fendant la presse l'auantgarde
 De ce grand que chacun regarde

Luy fait iour iusqu'au lieu maudit
 Ou sans crier alte, on la fit.
 Le Pere lisant bas vn Pseume
 Le fils de maistre Iean Guillaume
 D'vn effroyable ton de vois
 Cria de par le Roy trois fois
 Et comme il deuoit teste nuë
 L'audiance enfin obtenuë
 Moins des femmes que des marys,
 monsieur le boureau de Paris
 Prononça la iuste sentence
 De celuy de toute la France:
 Apres ayant, non sans honneur
 mis nostre Illustre Ramonneur
 Auteur d'vne intestine guerre
 De son char de triomphe à terre
 Luy dit pour le reconforter
 Qu'il ne descend que pour monter,
 mais non, sur le poinct de le pendre
 Qu'il n'est môté que pour descendre.
 Le pauvre Diable à reculons
 par treize ou quatorze échelons
 et d'vne vigueur de malade
 prend tristement par escalade
 Vn arbre qui n'auoit produit
 Iamais dit on vn plus beau fruit
 Arriué qui fut à la cime
 Le pendant eminentissime
 Le pere susdit entonna
 Hautement *Salue Regina*

tandis qu'à chanter on s'empresse
 Noel Guillaume d'une adresse
 Qui ne s'en point son écolier
 L'encheuellant de ce collier
 Qu'avecques periphrase on nomme
 L'ordre de maître Jean Guillaume
 A son camarade en ce lieu
 Dit un triste & dernier adieu.
 Amy quel malheur est le nostre
 Faut-il qu'un bourreau pendre l'autre,
 Ouy, ou, cher frere il fera
 Mais ie te iure, & cetera,
 Car, cher Lecteur, ie te proteste
 Que ie ne puis ouvrir le reste
 D'un discours lequel acheué
 En mesme temps que le *Salve*,
 Avec tant d'heur il le deniche
 Que sa taille en devint plus riche;
 Car enfin tu peux bien penser
 Qu'en l'air il ne pouvoit dancier
 Qu'elle ne fust d'une coudee
 A coups de jarrer allongee.
 Iesçay les reigles grace à Dieu
 D'une unité de temps & de lieu
 Qu'enseigne Horace & qu'on pratique
 Dans le poëme Dramatique,
 Pourquoi, direz-vous, animal
 Les observes tu donc si mal?
 Prenez vous en à ma sibyle

Qui ne parut pas plus habile
Sa faute est, dit elle, vn effet
D'vn Architecte, qu'il ait fait
Le palais si loing de le Greue
Cù la Castatrophe s'acheue.

